



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

29 d Eustasius Abt zũ Luxouium.

**urn:nbn:de:hbz:466:1-41449**

## Martius

Anno Dñi  
438.

Hat zu Rom die Kirchen Mariae maioris gebawen / begrub seinen falschen Anklager mit seinen eignen Händen / vñnd bracht zu solcher begräbnuß Leinwath vñnd Salben. Ist endlich / nach dem er acht Jar regieret / vñnd all sein Güte der Kirchen vñnd den Armen aufgespenne het / seliglich verschieden.

Anno Dñi  
963.

Item zu Cöln / die erhebung des heyligen Erbschopffs vñnd Marteners Euergisti / geschehen durch Hunonem Erbschopff zu Cöln / von der Statt Tongre gen Cöln in S. Cecilien Kirchen. Von ihm wirdt weyter gemeldt am 14. tag Herbstmonats.

Item der heyligen Junckfrawen Rogate.

Item in Castro Monte / die begräbnuß der heyligen Walderudis / welche auch hernach am 9. tag Aprilis gesetzt wirdt.

d. iiij. Calendas Aprilis.

Der XXIX. Tag im Merzen.

Anno Dñi  
450.

**I**n Africa ist heut der Geburtstag / der heyligen Beichtiger Armogasti / Archimini / vñnd Sauri / welche zur zeit der Wandalischen verfolgung / vñnder dem Künig Geiserico / vmb bekantnuß willen der Wahrheit / vil schwere pein vñnd schmach erlidten / vñnd also den lauff der heyligen Marter vollendet haben.

Anno Dñi  
580.

Item die begräbnuß des heyligen Abts Eustassii / in dem Kloster Luxouio / vom heyligen Columbano auß Italia in gemeldtes Kloster geschickt / war fürtrefflich in heyligkeit des Lebens vñnd würckung der Wunderwerckheit vñnder ihm bey sechs hundert Bñnder.

Item

Item in der Statt Nicomedia das leyden der heyligen Pastoris/Victorini/Saturnini/Juliane/vnnd anderer vier.

Item das leyden des H. Achartij.

Item der H. Marterer Ione vnd Barachisij / welche vnder dem Persischen König Saporio vmb des Chrißlichen Glaubens willen gewaltigklich gestritten/vñ schier allerley pein vnd marter vberstanden haben.

Item zu Arathusa des H. Bischoffs Marci / der auß großem Chrißlichen eyfer der Abgöttischen Tempel zerstört/vnd vil vnglaubigen zu Christo bekört / vnd vnder dem Kayser Juliano von allerley Burgern zu Arathusa / schmähtlich mishandelt / mit dem haar durch die bäch vnd wüste gezogen / von den Kindern jämmerlich geplagt / sa wie ein werffende Kugel hin vnd wider gestossen / auch mit kleinen schreibmesserlin gestochen / vnnd inn die höhe auffgehückt / daß sein leib mit hönig vbergossen / von den Inien vnnd Mucken / bey der hitzigen Sonnen gebissen vnd zerissen worden. Inn solcher marter verharret er bis zum ende durch Gottes sterke. Von jm schreiben Gregorius Nazianzenus vnd Theodorietus.

Item des H. Beichtigers Bertholdi Carmeliter Ordens.

Item des H. Bapsta Stephani des neunten / ein geborner Lothringer / hat die Maylendisch Kirchen / welche bey 200. jaren mit der Römischen Kirchen zwitterrechtig war / wider zu der gehorsam bracht / verschidendlich zu Florenz / vnd ward daselbst begraben.

Anno Dñi  
1060.

Item zu Rom der H. Junckfrawen vnd marterin Sophie.

£ d iij. Ca-